



COMUNU DE CABUDERRA

Tzitadi Metropolitana de Casteddu

Proposta 11
de su 04.01.2023

DETERMINATZIONI DE SU RESPONSÀBILI Setori N.6 - Servìtzis Sotzialis

OGETU: *L.R. N. 22/2020 ART. 31 - DELIBERATZIONI DE GIUNTA REGIONALI N. 63/13 DE SU 11.12.2020 DISPOSITZIONI A FAVORI DE IS FAMÌLLIAS IN CUNDITZIONI DE POBURESA. APROVATZIONI SCHEMA DE CUNVENTZIONI PO IS IMPRESAS CHI ANT MANIFESTAU INTERESSU A SA BÈNDIDA.*

REGISTRU GENERALI N. 3 DE SU 04/01/2023

SU RESPONSÀBILI DE SU SETORI

Cunsideraus is atus chi s'ghint:

- Su Statutu Comunali, aprovau cun Deliberatzioni de su Consillu Comunali n. 50 de su 19/09/2000;
- Su Regulamentu asuba de s' ordinamentu de is ufìtzis e de is servìtzis, aprovau cun Deliberatzioni de Giunta Comunali n. 213 de su 28/12/2012, mudau cun deliberatzioni G.C. 146 de su 16/11/2016, G.C. 52 de su 29/03/2019 e G.C. 175 de su 01/12/2021;
- Su Regulamentu Comunali de contabilidadi, aprovau cun Deliberatzioni de su Consillu Comunali n. 2 de su 26/01/2017;
- Su Regulamentu Comunali po sa disciplina de is Compudus Internus, aprovau cun Deliberatzioni de su Consillu Comunali n. 87 de su 14/12/2015, mudau cun deliberatzioni G.C. 68 de su 30/11/2017;
- Su Còdixi de cumportamentu de is dipendentis de su Comune de Cabuderra aprovau cun Deliberatzioni de Giunta Comunali n. 205 de su 29/12/2021;
- Su Programa de Tres Annus po sa preventzioni de sa Corrutzioni e sa Trasparèntzia 2022/2024, aprovau cun Deliberatzioni de Giunta Comunali n. 62 de su 28/04/2022.

Bius:

- su D.Lgs 18/08/2000, n. 267;
 - su Decretu Sindacali n.77 de su 29/12/2022 chi pertocat s' affidamentu de s' incàrrigu de Posizioni Organizativa de su Setori n. 6 a sa Dotora Marongiu Antonella– Cat. D);
-

- sa Deliberatzioni de su Consillu Comunali n. 66 de su 05/08/2022 chi at aprovau su D.U.P. 2022/2024;
- sa Deliberatzioni de su Consillu Comunali n. 67 de su 05/08/2022 chi at aprovau su Bilàntziu de Previsioni 2022/2024;
- su D.Lgs n. 165/2001;
- su D.Lgs n. 118/2011;

Donau atu chi:

- s' istrutòria po s'adotzioni de custu atu etotu dd' at fata s' assistenti sotziali Daniela Piras;
- cunforma a s' art. 6 bis de sa lei 7 de austu 1990, n. 241 no nd' est bessiu a pillu cunflitu de interessu perunu;
- su provedimentu s' at a averiguai cunforma a su Regulamentu Comunali po sa disciplina de is compudus internus, aprovau cun sa Deliberatzioni de su Consillu Comunali n. 87 de su 14/12/2015;

Cunsiderada sa Lei regionali 23 de argiolas 2020, n. 22, Lei cuadru asuba de is atzionis de agiudu a su sistema econòmicu de Sardìnnia e po s'amparu de su traballu po mori de s' emergèntzia epidemiològica de Covid-19, art. 31 chi po s'annu 2020 at autorizau su gastu de èurus 6.000.000 po su finantziamentu de sa frunidura a indonu a favori de is famillias pòburas de prodotus de sa traditzioni, pani e casu, francu su pecorinu romanu;

Bida sa Deliberatzioni de G.R. n. 63/13 de su 11.12.2020: "Dispositzionis a favori de is famillias in cunditzioni de poburesa manna. Programa de interventu e modalidadis de cumprimentu. Art. 31 lei regionali de su 23 de su mesi de argiolas 2020, n. 22". **Aprovatzioni definitiva**", chi at aprovau su programa de interventus e is modalidadis chi ddi pertocant, e finas mudau su ligòngiu n. 1 de sa Deliberatzioni de G.R. n. 52/16 de su 23.10.2020;

Bida sa Determinatzioni Regionali n. 721 prisia (protocollu) n. 14787 de su 21/12/2020, cun ogetu Bilàntziu Regionali 2020. Impinnu de gastu de èurus 6.000.000,00 a favori de is Comunas de Sardìnnia asuba de su Programa de interventu po is famillias in cunditzioni de poburesa manna, art. 31 lei regionali 23 de argiolas 2020, n. 22., chi at impinnau a favori de su Comunu de Cabuderra sa suma de €. 58.894,55;

Bida sa Determinatzioni regionali n. 759 prisia n. 15071 de su 29/12/2020, cun ogetu "Bilàntziu Regionali 2020. Pagamentu de èurus 4.200.000,00 a favori de is Comunas de Sardìnnia chi pertocat su Programa de interventu po is famillias in cunditzioni de poburesa manna, art. 31 lei regionali 23 de argiolas 2020, n. 22. Acontu de su 70%", chi nc' at assinnau a su Comunu de Cabuderra s' acontu de su 70%, est a nai €. 41.226,19;

Pigau atu de s' annotadura de sa RAS n. prisia (protocollu) 12581 de su 29/06/2021 chi at aprovau s' elencu de is produtoris de su cali a s' art. 31 de sa L.R. n. 22/2020 chi ant presentau sa manifestatzioni de interessu paris cun is datus pertocantis e custu elencu s' est publicau in su situ de sa Regioni Autònoma de Sardìnnia *Assessorau de sa messarja e riforma Agro-Pastorali-Listas-Elencus* e in su situ de su Comunu de Cabuderra;

Bida sa Determinatzioni de su Responsàbili de su Setori n. 483 de su 10/06/2021 apitzus de s'atzertamentu in intrada de sa suma tramudada de sa RAS chi pertocat s' acontu de su 70% paris a €.41.226,19 a favori de su Comunu de Cabuderra po sa frunidura a indonu a favori de is famillias in cunditzioni de poburesa manna;

Ca:

- 1) su contributu est destinatu po 1/6 (una parti de ses) de sa suma totali a comporai prodottus de sa panificatzioni a cunservatzioni longa, mentris po 5/6 (cincu partis de ses) funt po comporai casu de brebei, de craba e de baca, francu su pecorinu romanu;
- 2) su *voucher* durat 12 mesis, fintzas a candu s'ant a spaciai totu is resursas assignadas a su Comunu de Cabuderra;

Postu chi in su puntu 7/a de custa Delibera:

- si narat ca intru de is modalidades inditadas po ponni in aplicu su programa, is Comunas podint cuntzedi *Bonus* o *Voucher* a chini ndi tenit diritu, chi si podint gastai in is impresas chi ant manifestau interessu a sa bèndida cunforma a s' art. 31 de sa lei regionali 23 de argiolas 2020, n. 22;
- is Comunas podint firmari conventzionis cun is operatoris chi ant manifestau interessu a sa bèndida, po disciplinari is cundizioni generalis po s' imperu de is bonus e is maneras po otènni su rimborsu de parti de su Comunu, e finas sa documentatzioni chi serbit e comentis s' enti at a averiguai is pràticas etotu;
- abarrendi firmu su schema giuridicu de custa operatzioni, no si previdit còmpora e bèndida peruna intru de su Comunu e s' operatori chi arricit is *bonus* de parti de su beneficiariu de su contributu, mancu candu s' at a podi ponni in aplicu, sceti po s' IVA, s' art. 6-quarter de su DPR n. 633/1972;
- is *bonus* o *voucher* emittius de su Comunu, chi funt in modalidade de erogatzioni sustitutiva de contributus econòmicus a favori de sugetus chi s'agatant in cundizioni de poburesa manna, si podint ponni in aplicu is inditus de sa Detèrmina ANAC n. 557 de su 31/05/2017 innu s' est stabiiliu ca "Candu no ddoi funt elementus sugetivus e ogetivus de aplicatzioni de s' art. 3 de sa lei n. 136/2010, sa traciabilidadi no si ponit in aplicu a s' erogatzioni direta, a tìtulu individuali, de contributus de parti de s' amministrazzioni pùblica a sugetus in cundizioni de poburesa manna o, comuncas, a personis in cundizioni de bisòngiu....."
- funt is Comunas chi depint stabiliri s' imperu de maneras traciàbilis de pagamentu;
- po su pagamentu su Comunu podit pediri a s' operatori de comunicai, cunforma a sa lei 136/2010, is datus de unu contu currenti bancàriu o postali, innu s' ant a emiti is pagamentus, e finas is datus de sa personi e su còdixi fiscali;
- su Comunu at a averiguai totu sa pràtica;

Bida sa nota de sa RAS n. prot. 9503 de su 06/07/2021 chi pertocat sa "Tzirculari n. 1";

Bida sa nota de sa RAS n. prot. 10683 de su 27/07/2021 chi pertocat sa "Tzirculari n. 2";

Bida sa nota de sa RAS n. prot. 12417 de su 02/09/2021 chi pertocat sa "Tzirculari n. 3";

Bida sa Determinatzioni n. 273/9425 de su 11/05/2022 innu sa RAS at aprovau su de otu aggiornamentus de is prodottoris chi nc'ant presentau sa manifestatzioni de interessu paris cun totu is datus;

Bida sa Determinatzioni de su Responsàbili de su Setori n. 657 de su 04/08/2021 chi at aprontau is documentus chi serbint po sa cuntzessione de is *voucher* e s' impinnu de gastu;

Bida sa Determinatzioni de su Responsàbili de su setori n. 997 de su 01/12/2021 chi pertocat s' aprovatzioni de sa graduatòria definitiva, innui nc' ant amìtiu n. 14 rechestas;

Ca sa suma de €. 7200,00 est bastanti po satisfai is resursas tramudadas dae sa RAS;

Postu chi sa comunicatzioni de su sceberu de is produtoris chi ant presentau sa manifestatzioni de interessu, is beneficiàrius nci dd' ant trasmìtia a s' ufìtziu de is Servìtzius Sotzialis cunforma a sa Determinatzioni n. 273/9425 de su 11/05/2022;

Donau atu ca s'ufìtziu de is servìtzius sotzialis at aprontau, po sa cuntzessioni de is talliandus de gastu, is schemas de conventzioni siat cun is aziendas po sa còmpora de produsus de sa panificatzioni a cunservatzioni longa siat po comporai casu de brebei, craba e baca, francu su pecorinu romanu, inditadas de is beneficiàrius;

Donau atu chi custu provedimentu no ocasionat mudaduras diretas o indiretas asuba de sa situatzioni econòmicu – finantziària o a sa sienda de s' enti;

DETÈRMINAT

1. De aprovai is schemas de conventzioni siat po is conventzionis cun is aziendas po comporai is produsus de sa panificatzioni a cunservatzioni longa siat po comporai casu de brebei, craba e baca, francu su pecorinu romanu, chi faint parti de custu provedimentu etotu;

2. De averiguai, cunforma a s' arregularidadi amministrativa-contàbili de su cali a s'artìculu 147-bis, puntu 1, de su D.Lgs n. 267/2000, s' arregularidadi tècnica de custu provedimentu po su chi spetat sa legitimidadi e curretesa de s' atzioni amministrativa, ca su parri a favori est espressau paris cun sa sutascritzioni de custu provedimentu etotu, de parti de su Responsàbili de su setori.
